

中國史學叢書

何炳松主編

馬導源編

吳梅村年譜

商務印書館發行

中國史學叢書

何炳松主編

馬導源編

吳梅村年譜

商務印書館發行

# 目次

一	緒言	一
二	吳偉業傳	二
三	梅村世系	三
四	梅村年譜	一
五	梅村著述	八一

# 吳梅村年譜

## 一 緒言

梅村先生傳記，就余所知者，有吳梅村先生行狀，康熙十二年七月太倉顧湄伊人撰；有吳梅村先生墓表，康熙五十二年澤州陳廷敬說嚴撰；有梅村先生世系及年譜四卷，道光十二年至十九年太倉顧師軾景和纂，顧思義仁仲訂；有清史列傳所載吳偉業列傳，沈德潛清詩別裁集絳傳，鄭方坤清名家詩人小傳所錄梅村詩鈔小傳。顧譜言之頗詳，但師軾作譜時，未及見吳先生家藏稿；家藏稿五十八卷，宣統辛亥始刻於武進董氏。茲據顧譜參以最近出版之家藏稿，及日本鈴木虎雄氏對梅村先生之考證，考覈釐訂，以成斯譜。

## 一一 吳偉業傳 錄清史列傳

吳偉業，江南太倉人。明崇禎四年甲二名進士，授編修。十年，大學士溫體仁罷，張至發柄國，極頌體仁孤執不欺，偉業疏言：「體仁性陰險，學無經術，狎暱小人，繼之者正宜力反所爲；乃轉稱盛其美，勢必因私踵陋，盡襲前人所爲。將公忠正直之風何以復見？海宇禍患何日得平？」疏入不報，尋充東宮講讀官，又遷南京國子監司業，轉左子。福王時授少詹事，與大學士馬士英尙書阮大鍼不合，請假歸。本朝順治九年，兩江總督馬國柱遵旨舉地方品行著聞及才學優長者，疏薦偉業來京。十年，吏部侍郎孫承澤薦偉業學問淵深，器宇凝宏，東南人才無出其右，堪備顧問之選。十一年，大學士馮銓復薦其才品足資啓沃，俱下部知之，尋詔授祕書侍講。十二年，恭慕太祖太宗聖訓，以偉業充纂修官。十三年，遷國子監祭酒，尋丁母憂歸。康熙十年卒。

## 三 梅村世系

梅村姓吳氏，諱偉業，字駿公，號梅村，江南太倉人。

七世祖子才，名無考，河南人，元末避兵，始遷蘇州崑山之積善鄉，配費氏。見顧師執所撰年譜

考葉盛所撰相虞公墓誌顧譜引云：『祖才，父式周，』則似名才，非子才。

六世祖埕，字公式，以字行，明正統元年，贈承德郎，行在刑部雲南司主事，配陳氏，封太安人。顧思

云，又字式周，見顧譜。

五世祖凱，字相虞，號冰蘖，卒祀鄉賢祠，配沈氏，繼沈氏，再繼陳氏。中順天鄉試，宣德中，授刑部主事，再改禮部主客司，成化七年七月十四日卒，年八十五。三子：長恩，次惠，次愈。女二人，婿顧恂、龔綬。見顧譜

陳廷敬撰吳梅村先生墓表：『五世祖凱，前明永樂間，舉孝廉，官禮部主事，年三十，以養親乞

歸，遂不出，世稱貞孝先生。」

顧涓撰行狀：「五世祖禮部主事諱凱，高祖河南參政諱愈，父子皆八十，有重德。其行事，載吳

中先賢傳中。」

鈴木氏謂皆八十者誤

高祖愈，字惟謙，號遯菴，配夏氏。成化乙未進士，授南京刑部主事，歷員外郎中。精法律，出知敘州府，捕慶符盜，及平土官安鯨叛，有功。在敘九年，遷河南參政，致仕歸卒。年八十四。嘉靖丙戌五月十九日也。子男四：長東，浦江縣縣丞；次南，國子生，仲弟惠無嗣，推以爲後；次西，次守中，國子生。孫男詩、訪、許、誌。願諸

陳墓表：「高祖愈，成化進士，官河南參政，凱愈並見吳中先賢傳，世居崑山。」

公京江送遠圖歌序曰：「公諱愈，字惟謙，一字遯菴，成化乙未進士，授南京刑部主事，進郎中。清慎明敏，號稱職，先後九載，南司寇用宏治三年詔書得薦其屬，將待以不次，疏未達，而命守敘州。爲守既常調，而敘又險且遠，公獨不以爲望。」

嗣高祖惠，字維明，號靜菴，配陳氏。無子，以愈次子南爲嗣。願諸

曾祖南，字明方，號方塘，賜內閣中書，後官鴻臚寺序班，以使事過家，爲御史所論，謫江西建昌府幕官。配鄭氏，繼袁氏。長子諫，玉田公，福安縣丞。次議，贈嘉議大夫少詹事，次誥。顧譜

陳墓表：『曾祖南，以善書授鴻臚。』

顧行狀：『曾祖鴻臚寺序班諱南，自禮部公以下三世，皆葬於崑。』

祖議字子禮，號竹臺，以梅村貴，贈嘉議大夫詹事府少詹事。幼贅於瑯琊王氏，遂居太倉。副室湯氏，封太淑人。顧譜

陳墓表：『祖議，始遷太倉。』

顧行狀：『祖贈嘉議大夫少詹事諱議，始遷太倉。』

父琨，字禹玉，又字蘊玉，號約齋，又號約叟，諸生，以經行稱鄉里。梅村貴，封嘉議大夫詹事府少詹事，舉鄉飲大賓，卒祀鄉賢。配陸氏，繼朱氏，封淑人。顧譜

陳墓表：『父琨，能文章，祖父皆受先生封，爲中憲大夫。』

顧行狀：『父封嘉議大夫少詹事，諱琨，以經行崇祀鄉賢祠。嘉議公八十而逝，有幼女，先生爲



嫁。虎注：公所撰席本禱墓誌銘云：家大人以幼女字君少子。蓋先生天性孝友，初登第後，嘉議公勅理家事，歲輒計口授食，蕭然不異布衣時，俸入，卽上之嘉議公，未嘗有私蓄也。後析產與二弟，均其豐嗇，舉無閒言。

嗣祖諫，字子猷，號玉田，官福安縣丞，葬梅灣。配某氏，繼查氏，再繼陸氏。子一查氏，出天。顧諾

嗣父瑗，字文玉，號蓬菴，禮部冠帶儒士，配王氏，繼張氏。

世系表

七世祖

河南人遷崑山  
(又云家世鹿城人)

六世祖

五世祖

才

一云子才

埒

字公式又式周

刑部主事

凱


字相虞號冰蘗

禮部主事成化七年七月十四日卒年八十五

配費氏

配陳氏

三 梅村世系



南

諫

福安縣丞

女

嫁鄒三山之兄

子某

子某

配某氏

繼查氏

再繼陸氏

子某

祖始遷太倉

字子禮號竹臺

議

贈嘉議大夫少詹事

珙父

號約齋又約叟

諸生贈嘉議大夫少詹事  
康熙二年卒年八十

側室湯氏

順治二年閏六月卒年九十

配陸氏

繼朱氏

順治十八年卒年七十七

誥

叔祖庶出

嗣父承諫後  
字文玉號蓮菴

愈

孫男詩訪許誌  
未知其為四子  
中何人之子

配士氏

繼張氏

明經張柏菴女  
萬曆九年六月廿二日生  
順治十三年十月十日卒

錢氏疑是側室

現  
偉業

偉節  
字清臣

字孚令

偉光

順治八年舉人

女

適錢受明錢臣辰之子

女

適席本禎少子  
少子疑即席永恂

承緩後  
偉業  
字駿公號梅村  
明太子諭德清國子監祭酒

配郁氏

順治四年卒

側室浦氏

女  
適錢  
錦徽

女

適李  
昶

女

適王天植陳生(生一作立)  
王子彥之子

女

適陳直方容永  
陳之適之子

女

適何棠何蓉菴之子

三 梅村世系

側室朱氏

康熙四十五年  
七月廿六日卒

女  
適胡金門

女  
字周申祺未嫁卒  
案此女是邵氏  
出是朱氏出疑  
未能定

璟字元鄭號西齋  
康熙元年生廿七年進士  
官給事中

璘字中麗  
康熙二年生

暄字少融  
康熙三年生  
增監生普知壽光  
壽張縣

女  
適監生張損

女

適席永恂

案此據顯諸疑譜  
以琨女為偉業女

女

字周申祺

案是朱氏出是郁氏出未能定  
知大倉州志云梅村連舉十三  
女是與行狀九女者其說不屬

## 四 梅村年譜

明神宗萬曆三十七年己酉 一歲。

顧湄所撰行狀曰：

「先生諱偉業，字駿公，姓吳氏，吳爲崑山名族。

「先生生於明萬曆己酉五月二十日。

「母朱太淑人妊先生時，夢朱衣人送鄧以讚會元坊至，先生生，有異質。」

陳廷敬所撰墓表曰：「先生生前明萬曆己酉。」

顧師軾所撰年譜曰：「母朱太淑人，妊先生時，夢朱衣人送鄧以讚會元坊至，遂生先生。」

王崇簡吳母張太孺人墓誌銘：「先生始生時，朱太孺人尙育三歲子，太孺人虎注言張氏念其勞

瘁，從襁褓中，乳字先生。」

案王崇簡墓誌所謂張太孺人嗣母張氏也。蓋以湯氏事，誤爲張氏耳。

梅村秦母于太夫人七十壽序云：「吾因留仙之言，而喟然有感於余祖母湯淑人也。衰門貧約，吾母操作勤苦，以營舅姑滌灑之養，湯淑人憐其多子，代爲鞠育。余自少多病，由衣服飲食，保抱提攜，惟祖母之力是賴。」梅村自幼爲祖母湯氏所鞠育。

梅村王母周安人墓誌銘曰：「嗚呼！吾父亦窮諸生也，吾母之事大王父王母以孝，而教三子以成立，其仁勤莊儉之德，實有類於安人，而偉業之事其母，有媿楚先，固已多矣。自古賢母未有不願其夫若子之富貴，而富貴之無媿者尤難。當吾父之有聲場屋，屢試不收，而祖母湯淑人已老，家貧無以爲養，吾母爲余言之而泣。余倅弋一第，竊喜有以慰母，而終有憾於吾父之不遇也。」母外氏之仁勤可知。

萬曆四十年壬子 四歲。

顧譜「熊學院科試，先生尊人約齋公，補弟子員。」

萬曆四十一年癸丑 五歲。



顧譜『仲弟偉節生』

萬曆四十二年甲寅 六歲。

公所撰如禪師生塔頌曰：『始余六七歲，得見外王母，虎注：曹氏，曹川之女也。嘗用兜綿手，摩頂在膝

前，阿甥王母指梅村而言，汝當知我父言曹川循良吏，上書忤時宰，拂袖歸田廬。理學專門家，孔釋水乳合。諸

方大尊宿，推重惟魯川。教律與論藏，一一手撰述。吾母言朱淑人曹氏之出時諦聽，大發菩提心。晚受具足戒，

修持二十載。名山構傑閣，言鄖尉山中建經閣，虔奉修多羅。幡幢紛五色，親見如來迎。末後勘辨明，往生安樂

國』云云。此梅村幼時事，朱淑人奉佛亦可概見。

萬曆四十三年乙卯 七歲。

公讀書於江用世家塾。

公所撰江用世墓誌銘曰：『始余年七歲，讀書公家塾，識公。公卽是年領鄉薦，後三十年家居，

公折輩行，與余及魯岡游』云云。

虎按用世太倉人，萬曆乙卯舉人，壬戌天啓二年進士，累官江西按察司使，梅村幼時，在用世家